

بِسْمِ اللَّهِ الرَّحْمَنِ الرَّحِيمِ  
مَعَارِفُ وَكَالِفُ

امام و خطیب مکتبہ لری مفردات پروغرامی

---

استانبول — مطبعہ عامرہ

۱۳۴۰



امام و خطیب ملتبری ساعات دروس جدولی

	صنف		صنف		
	۳	۴	۲	۱	
	۱	۲	۳	۳	قرآن کریم، تجوید
	۱	۱	۱	۲	غنا
	۲	۰	۰	۰	تفسیر
	۱	۱	۱		حدیث
	۱	۱			علم توحید
	۲	۳	۲	۲	دین درسری
	۱	۱	۰	۰	روحیات
	۲	۲	۲		اخلاق ومعلومات وطنیه
	۱	۲	۴	۵	تورجہ
	۲	۲			تورک ادبیاتی
	۲	۳	۲		خطابت وانشاد
	۴	۳	۳	۳	عربی
	۲	۲	۲	۲	تاریخ
	۱	۱	۱	۲	جغرافیا
		۱	۲	۲	حساب
	۲	۱	۱		هندسه
			۲	۱	حیوانات
				۲	نباتات
		۱			طبقات
	۱	۱			فیریق
	۱	۱			کیمیا
	۲				حفظ الصحه
			۲	۲	یازی
	۱	۱	۲	۲	تربیه بدنیہ
	۳۰	۳۰	۳۰	۲۸	

## قرآن کریم و تجوید

برنجی صنف ( هفته‌ده ۳ درس )

» ۳ » ایکنجی صنف

» ۲ » اوچنجی صنف

» ۱ » دردنجی صنف

برنجی صنفده طلبه‌دن هر برینه صیره ایله قرآن کریم او قوتدیریلوب  
مخارج حروفه اهمیت ویریله جک ، تجویدک اک مهم قسملری عملی بر  
صورتده یعنی آغز دن بلله دیله جک . قرآن کریم او قودیلیر ایکن تعریفات  
و تطبیقات اجرا ایدیله رک بو صورتله طلبه‌نک تجوید خطالری دوزلتیله .  
جکدر . ایکنجی صنفده تعلیم و تجویده حصر ایدیله جک اوچنجی  
و دردنجی صنفلرده تعلیم و تطبیقاته دوام ایله ادا و صدایه اهتم اولوناجقدر .  
اوفق سوره لر ایله برابر عم ، تبارک ، فتح ، یسن و بعض مهم سوره  
و آیتلر مطلقا از بر ایندیریله جکدر .

---

### تفسیر شریف

دردنجی صنف ( هفته‌ده ۲ درس )

قیسه سوره لر دن باشلاتیله رق عم جزئی اکمال ایلملی ، سوره

اوقونددن صـوـكـرا محتاج ایضاح اولان لغت و ترکیب تحلیل ،  
وبالآخره خلاصهٔ مالی تقریر و ایضاح ایدلمه لی بوبابده بر اثر یازیلنجیه  
قادار مختصر ، مفید وزوانددن عاری امام سیوطینک جلالیه تفسیرندن  
عم جزئی کاملاً تدریس ایدلمه لیدر .

### حدیث شریف

برنجی صنف ( هفته ده ۱ درس )

ایکینجی » » » »

دردنجی » » » »

هراوچ صنفده بر ساعتدن عبارت اولان حدیث درس لری الك  
زیده اخلاقی، اجتماعی، احادیث شریفه دن انتخاب اولونمالی. بو خصوصده  
مقصدی کافل بر اثر وجوده کتیریلنجیه قادار عارف بك مرحومك  
بیك بر حدیثی شایان ترجیحدر .

بوراده موجود حدیثلر بالله تدیریلهرک مؤلفك مطالعاتی قرائت  
طرزنده طلبیه کوستریله لیدر. آریجه اصول حدیثده تدریس ایدلمه لیدر.

## علم توحيد

اوچنچى صنف (هفته ده ساعت)

دردنجى » » » »

علم توحيدك تعريفى ، فائده و غايه سى - احكام عقليه ، واجب ، ممكن ، مستحيل و بونلرك اقسام و احكامى ايمان بالله - دليل نظرى ، دليل حدوث ، دليل امكان ، حركت دليلى ، دينك تعريفى ، جمعيت بشريه نك تا مین سعادتى ايچون دينك لزومى شهادت ماديون و جوابى صفات الهيه حقنده ايضاحات - دليل وحدت ذات و صفات الهيه حقنده كى تفكر ك ماهيتى ، حقيقت الهيه نك عقلاً ادراك ايديله ميه جكى ، عقلك ، حسك ، فكرك ، تجربه نك حدودى .

افعال الهيه ده كى حكم و مصالح - افعال عباد ، قضا و قدر و بو بابد يا كلش تلقيلرك بيانى . ملائكه ، كتب منزله الهيه .

نبوت : بشرك نبوته اولان احتياج نك ايضاح و اتيانى - منكرين نبوتك شهادت و جوابى - وحى و امكان وحى ، صفات انبياء - حقوق و وظائف انبياء ، عصمت رسل معجزات حسيه و امكانى . اعجاز قرآن ، قرآن كريمك كيفيت نزولى ، كيمك طرفندن و نه صورتله جمع ايدلديكى - معجزات معنويه (اخلاق محمديه ، سير محمديه ، شريعت محمديه) خصائل محمديه ، شريعتلرك اتم و اكمل شريعت اسلام اولدينى - دين اسلامك دين عقل ، و فكرت ، دين مصلحت و حكمت دينى ، حق

و فضیلت و دین فطری و عمومی اولدینی بعث بعدالموت ، یوم آخرت  
و امکان عقلیسی۔ قرآن کریمک نشأت ثانیہ ایله نشأت اولی بیننده کی  
مقایسه لری احوال معاد مسلمانلق و مسلمانلر حقنده کی وعدالهی .

---

## دین در سلسلی وفقه

برنجی صنف ( هفته ده ۲ درس )

عبادت اعتقادك فعلاً تجلیسی دیمك اولدیغندن اولاً مختصر صورتده ارکان اعتقادك كوسترانی و اوندن سوكر ا عبادت قسمنه كچلمه سی طبیعی بر اصولدر . بناءً علیه برنجی صنفده بروجه آتی مباحث تعقیب ایدیله لیدر .

اسلام دینی ، احكام اسلامیه نك منابی - ایمانك معنای لغوی و شرعیسی - جهانده هر ذره برخالفك وارلغنه دلیل اولدیغی - بو باده طلبه نك آكلایاجنی مثالدر - وحدانیت الهیه نك بعض امثله ایله توضیحی - حقیقت الهیه نك عقلاً ادراکی ممکن اولامیه جنی ، حسك ، فكرك ، تجربه نك حدودی ( بونلر طلبه نك آكلایه جنی مثالدر ایله ایضاح ایدیله جك ) عقل بشرك بعضاً مادی شیلرده بیله خطا ایتدیکی طلبه جه معلوم امثله ایله ایضاحی .

حس وعقلمز ایله حقیقت ولدنیاتی ادراك ایدمه دیکلریمزی انكار ایتك دوغرو اولامیه جنی ( روح والکتریک کبی بعض مثالدرله بحث تنویر ایدیله جلددر . )

صفات الهیه ، قدم وازلیت - بقا و ابدیت - حادثات ممکنه یه بکزه مه مک ، قیام بالنفس حیات ، علم ، اراده - قدرت اختیار - کلام - بصر - سمع - تکوین - بوصفات حقنده تلقینی بر صورتده مثالدر . هر موجودك صفاتی ده کندی ذاته ملایم اولاجنی : مثالدر .

انبیایہ ایمان . انساڈلرک پیغمبرلره احتیاجی ( مختصراً ) پیغمبرلرک  
برر ممتاز شخصیت اولدقلری - پیغمبرلک آنحق الله ویرکیسی اولدینی  
پیغمبرلرک عددی معلوم اولمادیغی - قرآن کریمده مذکور اولان  
پیغمبرلر .

اللهک کتابلرینه ایمان . کتب سالفه حقنده مختصر معلومات -  
قرآن کریم - ملائکه یه ایمان - کوزمز ایله کوره مدکلریمزی انکار  
دوغرو اولمادیغی و بونک حقنده بعض مثالر - بعث بعدالموت و یوم  
آخرت ، طلبه نك آکلایه جفی شکلده بعض مقایسه لر . قضا و قدر  
« خیر و شر هرشی الھندئر . » اعتقادینک مجمللاً ایضاحی - اسلامده  
سعی و عملک هر فرداوزرینه فرض اولدوغی - توکل و قناعتک مسکنت  
دیئک اولمادیغی و حقیقی معنالی ( مختصراً ) بومباحث دینی درسلرک  
برنجی قسمنده مندرجدر .

---

ایکنجی صنف ( هفته ده ۲ درس )

اوچنجی « « « «

بوصنفلرده نماز ، اوروج ، زکات ، حج مباحثی صیره سییله دینی  
درسلرک ایکنجی قسمندن تعقیب واکمال ایدیله لیدر .

---

## مناکحات و مفارقات

اوجنچی صنف ہفتہ دہ (۲) درس

نکاح شرعی، نکاحک تعریفی، شرائط صحت و نفاذی، محرمات، اسباب تحریم . اسلامدہ اصل اولان وحدت زوجہ اولدینی . متعدد زوجاتک حکمت جوازی - برچوق جہلادہ کوریلن تعدد زوجہنک شریعتہ مغایر اولدینی، نکاحدہ ولایت، کفایت، مہر، نفقہ، اتفاق طائلہ ایچون طلب معیشتک فرض اولدینی، حضانهنک احکامی، رضاع واحکامی .

طلاق، اسلامدہ طلاقک ماہیتی، طلاقک عنداللہک منصوص برحلال اولدینی، طلاقدہ اصل اولان ممنوعیت اولدینی حالده مباح قلنمنسنگ حکمتی، عدد طلاقک اوچہ قادار مشروع قلنمنسنگ سببی . طلاق معتبر اولوب اولیانلر . طلاق اک صوک مراجعت ایدیلهجک بر تدبیر اولدینی جہتہ چارہسز قالمادقہ بوکا مراجعت قطعاً شرعی ودوغرو اولمایاجنی؛ قادینلرہ تفویض طلاق، تمناعہ طلاقک اقسامی . طلاق بائن ورجعی نک احکامی . باشلیجه الفاظ صریحہ ایله طلاق، ایلاد بجنی، عدت، عدت طلاق، عدت وفات، عدت حمل، عدت نسانک سبب مشروعیتی، ثبوت نسب .

## فرائض و اصول انتقال

دردنجی صنف ہفتہ دہ ایکی ساعت

فرائضدن سراجیہ متنی تعقیب ایدیله جک و اصول انتقال دہ  
کوستریله جکدر .

## روحیات

### اوچنچی صنف هفته ده (۱) درس

- روحیاتك موضوعی ، انواعی ، مختلف تطبیقاتی . تربیه تطبیقی .
- روحیاتك باشلیجه اصوللری .
- چوچوقلرک بدنی و روحی خصوصیتلری ، نما دوره لری .
- وراثت : بدنی و روحی وراثت .
- چوچوق روحی و جمعیت .
- جمله عصیه حقنده مجمل معلومات .
- شعور ، نوعلری و درجه لری .
- روحی حادثه لرك تصنیفی ، ذهن ( فکر ) حس ، حرکت ( اراده )

### ۱ - ذهن

- § احساس Sensation . حاسه لر Sens : باصره ، سماعه ، ذائقه شامه ، لامسه ، [ تماس ، تضییق ، برودت ، سخونت ، وجلی ، حرکت وعضله احساسلری ] حاسه لرك تبادللی ، غلطاتی . حاسه لرك تربیه سی .
- § ادراك : Perception احساس ایله ادراك آراسنده کی فرق لر ، تصور ( خیال ) و انواعی .
- § حافظه ، تعریفی و اهمیتی ، خاطره لرك اکتسابی ، حفظی ،

تخطری ، احساسی ، حافظه نك و صفیری حافظه نمودجبری : سمعی ،  
بصری و حرثی تیپلر .

حافظه یه تأثیر ایدن عامللر : تکرار ، هیجان ، علاقه ، تداعی ،  
زمان ... الخ حفظك نوعلری عیناً ازبر، مأللاً بالله مك، صنعی طریقه حفظ.  
حافظه نك تربیه سی ،

§ تداعی : فکریلرک تداعیسی ، حسلرک تداعیسی ، تداعی قانونلری  
تداعی افکار تجربه لری ، نمودجبری .

§ مخیله : حافظه ایله مخیله آراسنده کی فرقلر ، مخیله نك نوعلری  
مخیله تمثیلیه Imagination representative مخیله مبدعه: Imagination  
créatrice مخیله نك تربیه سی ؛ چوجوقلرک مخیله سی ، اویون ، ماسال  
و حکایه ، رومان ، تیاترو ، خولیا و مضرتلری .

§ دقت : اهمیتی نوعلری ، سببلری ، علاقه و دقت ، اعتیاد  
و دقت ، چوجوقلرده دقت ، دالغینلق ، ذهن یورغونلغی ، دقت تجربه لری  
دقتک تربیه سی .

§ تجرید و تعمیم ، خصوصی و عمومی فکریلر ، مشخص ، مجرد  
فکریلر ، شمول و تضمن ، مفهومات کلیه و لسان کلی و مجرد مفهوملرک  
تهلکسی ، بو خصوصده کی چاره لر .

§ حکم و محاکمه ، اهمیتی و نوعلری ، استقرار و تعلیل مختلف  
تمرینلرک و درسلرک محاکمینی تقویه ده کی خدمتلری ، محاکمه تجربه لری  
محاکمه نك تربیه سی .

§ عقل ، روحیاتده ماهیتی ، عقلک مفهومات و حقایق اولیه سی  
نطق ( لسان ) نطق ایله فکر آراسنده مناسبتلر ، چوجوق لسانک  
تکمیلی ...

## اخلاق وه معلومات وطنيه

ايکنجی صنف هفتدهه [۲] ساعت

معلومات وطنيه نك موضوعی .

ملت ، ملیت ، حس ملی ، دولت .

حکومت و حاکمیت ، حاکمیتک غایه سی ، شکل حکومت .

نه ایچون جمهوریت الك ایی شکل اداره در ؟ توریکه ناصل جمهوریت

اولدی ؟

اسکی شکل حکومت ایله یکیسی آره سنده کی فرق . ده موقراسی .

وطن داش مواجه سنده حکومتک وظائفی : حریتک تأمین ، حریتک

لزومی ، حریتک مختلف تجلیلری ، حریت تفکر ، حریت مطبوعات .

حریت سعی و تجارت ، حریت وجدان و دین ، تسامح ( توله رانس ) ،

تور یاده بو حریتلر ناصل تأمین ای دلشدر ؟ اسکیدن بو حریتلر وار میدی ؟

بو حریتلری الك ایی تأمین ایده جک شکل حکومت نه ایچون جمهوریتدر .

حکومت مواجه سنده وطن داشلرک وظائفی : حریتک حدودی ، حریت

ملتک غایه سی نه محدوددر ، عسکرلک ، ویرکو ، انتخاب ، انتخابلره نه ایچون

اشتراکه مجبورز . سعی و تحصیل و منسوب اولدیغمز مسلکده ملی غایه

اندیشه سی .

تسانده ، اهمیتی ، فردلرک بر برینه تأثیری ، مشترک سعی و اهمیتی ، جمعیتلره

شرکتلر ، مساوات ، اهمیتی ، وظائفده مساوات ، حقدده مساوات ،

وطنيادشرك حقوقي ، بو حقلر مكلف اولدقلرى وظيفه لرك ايفاسى  
ايچون لازمدر . حق ووظيفه اراسنده كى تقابل .  
اخلاق : تربيه و اقسامى حقنده مختصر ايفاضات .

اوچنچى صنف هفته ده [۲] ساعت

توركيا تشكيلات اساسيه سى ، بويوك ملت مجلسى ، رئيس جمهور ،  
قواى عموميه ، قانونلر ناصل بايلير .

قانونك تطبيقى ، هيئت وكيه ، وكالتلر و وظائفى .

توركيا مبعوثان انتخاباتى . تشكيلات اداريه ، كوى ، قضا و ولايتلر ،  
آسايش ، صورت تأمينى .

معارف تشكيلاتى ، تحصيل درجه لرى ، مجبورى تحصيل ، اهميتى ،  
چوجوقلرى بو درجه تحصيل ايتديرمك مى وظيفه در . . . تالى و على  
تحصيل ، مسلكى تحصيل .

نافعه امورى ، يوللر و اهميتى ، معدنلر و اورمانلر اداره سى .

تجارت : شركتلىر و انواعى ، نصل تشكىل ايدرلر . بونلره دائر  
موضوعات قانونيه ( جملآ ) عائله حقوقى ، عائله نك اجتماعى رولى ،  
تعدد زوجات و فنالغى .

انسانيت ايچنده توركيا ، تورك ملتلك انسانيته موقعى ، اسكى  
قايتولاسيونلر نهايدى ، ناصل قورتولدق ، استقلال حربى .

وظيفه و سعادت ، فردى تكامل ، بشرى ترقى .

مسئوليت حسمى ، فضيلت و رذيلت .

مختلف تظاهرات اخلاقيه ، شخصى ، عائله وى ، اجتماعى اخلاق

حقنده عمومى معلومات :

[ معلم بويخترده مختلف مثالله اخلاقي قيمتله حقنده طلبه نك نظر  
دقتي جلب ايده جك و بونلك اهميتي خصوصنده فكر لر ويره جكدن ] ..  
اخلاق: وظيفه نك تعريفی ، اقسامی .  
وظائف نفسيه ، عائلي وظيفه لر ، اجتماعي و ملي وظيفه لر . انساني  
وعمومي وظيفه لر .

### دردنحي صنف هفته ده [۲] ساعت

قوة عدليه : محاکم ، بزده تشکيلات محاکم .  
افراد آراسنده اجتماعي و حقوقي مناسبات : عقود و مقاولات ،  
بعض عقود مهمه : بيع ، ايجار ، وکالت ، کفالت ، حواله ، شرکت  
احکامی ( مختصراً تعريفات ) حقوقي اختلافاتک صورت حلی : صلح  
محکمه لری و ظائفی ، صلح محکمه لر نده دعوا نصل اقامه و تعقيب اولونور .  
وجاهي و غيايي حکم لر ، حکم لرک تنفيذ و اجراسی .  
جرم نهيه دير لر ؟ جزانک هدي ، حقوق عموميه دعواسنک  
تعقيب و تحقيقي ، حقوق عموميه قارشوسنده حقوق شخصيه ، صورت  
تعقيبی ، اجتماع جرائم ، تکرر جرم ، وراثت و انتقال احکام ابتدايه سي  
( مختصراً تعريفی ) .  
آخلاق : موضوعی ، وجدان و قانون اخلاقي ، حسن اخلاقي و  
مکلفيت ، اخلاق مؤيده لر انساني حياتک غايه سي و سائق لری حقنده کی  
فلسفي مسلکله ، حظه مستند اخلاق ، نفعه مستند اخلاق نفع شخصي  
نفع عمومی ، احتساسة مستند اخلاق ، وظيفه يه مستند اخلاق ...

## روحیات

دردنچی صنف هفته‌ده (۱) درس

۲ — حسیات

حظ و الم : حسیاتك اهمیت و نوعلری ، هیجانلر ، احتراصلر ،  
§ تمایللر ، فردی تمایللر ( محافظه‌نفس ، حب نفس ، حب تملك ،  
حب استقلال الخ ... ) بونلرك چوجوقلرده تظاهراتی ، خودینللك  
ونتایجی ، فردی تمایللرك تربیه و اعلاسی ،  
§ اجتماعی تمایللر ، تجاذب (سمپاتی) مرحمت ، دوستلق ، عشق  
عائله ، وطن ، انسانیت اجتماعی تمایللرك تربیه‌سی .  
§ عالی (مفكوره‌وی) حسلر ، دوغریلق ، ایلك وكوزللك  
حسلری .

چوجوقلرده بدیی ، اخلاق و دینی تربیه ،

۳ — فعالیت ( اراده )

انعكاسی حرکتلر ، سوق طبیعی حرکتلری .  
اعتیاد ، بدنی و روحی اعتیادلر ، اعتیادك تربیه‌ده اهمیت .  
اراده ، ارادی بر فعلك تحلیل ، فعالیتك سبیلری و عامللری ،  
فكرلرك وحسلرك اراده‌یه تأثیری ، اراده‌نك تربیه‌سی .  
سجیه وشخصیت ، سجیه‌نك تربیه‌سی .

## تورکجه

برنجی صنف ( هفته ده ۵ درس )

برنجی صنف : قرائت وانشاد ۲ ، صرف ونحو واملا ۲ ، کتابت ۱  
قرائت : ابی ، دوغرو ، کوزل افاده لی اثرلرک ساده اولانلرندن  
باشلاناجق ، شعرلرک ، کوچوک حکایه لرک ، فقره لرک ، مختلف موضوعلی  
نهایت ایکی اوچ صحیفه دن متشکل مقاله لرک آ کلاشماسنی تأمین ایتمک  
غایه اولاجقدر .

انشاد : اوافق شعرلرک آهنکنه دقت ایدیله لرک اوقوتیه جق ،  
بونلر دفتره منتظماً کچریلد کد انصکره ازرله تیله جکدر .

صرف ونحو : صرف ونحوک ماهیتی ، کله ، هجا ، حرکه ، یالکنز  
تورکجه یه ، عربجه یه ، فارسی یه ، مخصوص حرفلر ، حرف مدلر ،  
تشدید ، تنوین ، آهنک قاعده لری ، ( شفاهی تطبیقات ) تقیبط ،  
کله اقسامی ، اسم و مختلف نوعلری ، ( شفاهی و تحریری تطبیقات )  
اسملرده کیمت ؛ تورکجه ده ، عربجه ده ، فارسیده جمع قاعده لری .

اسملرده کیفیت : عربجه ده مذکر ومؤنثلر ( یالکنز تورکجه ده  
آز چوق مستعمل اولانلر حقنده تطبیقات ) تورکجه ده قوللانیلان  
زمان ، مکان ، آت ، تصغیر اسملرینک تشکیلی حقنده ( شفاهی  
و تحریری تطبیقات ) ، اضافت ونوعلری ، تورکجه ، عربجه و فارسی  
اضافتلر ( بونلره دائر تطبیقات ) ...

صفت : مختلف نوعلری ، تورجهدده قوللانیلان مرکب صفتلر ،  
متمملى صفتلر ، ( تطبیقات ) توصیفی ترکیبلر ، مطابقت قاعدهلری  
( تطبیقات ) .

على العموم عربی و فارسی ( اضافی و توصیفی ) ترکیبلرک تورجهدده  
کیتدکجه آزالمقدمه اولدیغنه و آزالیشیک لزوم و فائدهسنه دائر ایضاحات .  
ضمیر و مختلف نوعلری . ( قرائت و املا و سینه سینه آیرجه سیاه  
تختهده یا خود تحریری وظیفه و یرمک صورتیله تطبیقات )  
املا : املا درسی ، طلبه نك يالکیز بری سیاه تخته نك آرقه  
طرفنه قالدیرمق صورتیله هپسنه مشترک و منفرد تدریس اصولنه تبعیتله  
کوستریلیر . یازدیریله جق پارچالر او هفته ظرفنده او قونان صرف قاعده لر یله  
متناسب و صفرلی حائر اولانلر ایچندن انتخاب ایدیلیر .  
کتابت : طلبه نك مشاهده و تحسسلرینه مستند سربست موضوعلر  
اساس حدودی چیزیش وظیفه لر .

### ایکنجی صنف

قرائت و املا ۲ صرف و نحو ۱ کتابت ۱  
قرائت : آلتنجی صنف پروغرامنک متکاملاً دوامی .

صرف و نحو : مصدرلر ، تورجهدده مصدر و نوعلری ، عربی  
مصدرلر ، اقسام سبعة ، ( تطبیقات ) عربجهده اسم فاعللر ، اسم مفعوللر  
مبالغه ، تفضیل ، صفت مشبهه ، اقسام سبعة یه کوره تحول ایدن شکللر  
( تطبیقات ) فعللر ، فعللرک زمان ، شخص ، کمیت ، متعدی ، غیر  
متعدی ، معلوم ، مجهول ، مطاوعت ، مشارکت ( شفاهی و تحریری  
ایضاحات ) صیغهلر ، نوعلری ، مثبت ، منفی ، استفهام ( شفاهی

وتحریری تطبیقات ( فعل ، فاعل ، مفعول ، نائب فاعل ، مسند ، مسند الیه ، رابطہ ، جملہ ( فعلاً فاعلاً ، نائب فاعلاً ، مسند ، مسند الیہ ، رابطہ داثر تطبیقات )

اداتلر ، مختلف نوعلری ، اسم ، صفت تشکیلنه خدمت ایتمهلری ( تطبیقات ) ظرفلره ، ندالره داثر معلومات ، ( شفاهی و تحریری تطبیقات ) صرفی و نحوی تحلیللری ، لسانلرک تقسیم و تصنیفی تورجه نك بوجهتله موقعی ، مختلف تورک لهجه لری حقنده مجمل معلومات ، تورجه نك تاریخچه سی ، تورجه ده ملی صرفک حاکیتی ، بوندن متولد ساده لک جریانی .

املا : آلتنجی صنف پروغرامنک مشکاملاً دوامی .  
کتابت : طلبه نك قابلیتنه و مکتسباتنه کوره وظیفه لره دوام .

---

اوچنجی صنف : کتابت ( هفته ده ۲ ساعت )  
دردنجی صنف : کتابت ( هفته ده ۱ ساعت )

بوصنفلرده تورجه معلمی یالکنز کتابت تطبیقاتیله مشغول اوله جق  
و ممکن اولدینی قادار چوق وظیفه ویره جکدر .

---